

古典文學組

感莫蘭蒂登臺二首

一 肆虐

風掣旋渦撲大瀛。雨成渾沌勒平明。
秋颶直欲玄黃合，翻覆豈憐芻狗輕。

二 樹災

百年腰折瞬旬旬。落地蒼蒼猶記生。
高翠心寒風斧至，乾坤弗繫爾崢嶸。

丙申年秋二首

一 搬家有感

塵風來去我襟緇。雲渺故家途漸迷。
過眼川流渾澹漠，營懷世事各疏離。
炎涼有味經三徙，盈缺無情俱四時。
碌碌習常唯接淅，從來安適最難期。

註：孟子萬章下：孔子之去齊，接淅而行。

二 俯仰云何

扁舟身似截長河。時雨相偕逆溯多。
父母望吾若一舸，春秋奮楫過千波。
才齋濩落堪瓶覆，勢蕩迤邐破浪吶。
天地崢嶸寒迫出，人間俯仰苦云何。

註：陸游〈秋晚寓嘆〉之四：著書終覆瓿，得句漫投囊。

旗津速寫二首

一 旗後砲臺

海線推雲去，蒼冥浮一鷗。
高臺風漫捲，戎旅跡何留。
斑駁鏽朱壘，熙攘覆白洲。
滄波淘不盡，駐景事悠悠。

註：李白〈日出行〉：魯陽何德，駐景揮戈。

二 旗津燈塔

翠微途不閉，客足湧塵來。
波泛晴光躍，舸犁鯨浪開。
千家收尺幅，一塔望雲垓。
朗朗長風至，深清為爾迴。

蹢躅，用杜甫〈孤雁〉韻

蹢躅華年過，誰偕我失群。
歧途惟隻影，方寸幾重雲。
俯仰踟躕倦，浮沉臧否聞。
秋聲非翕響，夜雨慣紛紛。

記丙申年露月中旬霧失八五大樓

南國不聞東北颶。團霾紫爆織重帷。
秋深一片迷離色，樓幻幾層飄渺時。
塵世浮槎徒失渡，雲程仙境恍無涯。
恢弘氣勢合天地，混沌疇聽盤古咨。

華清引

長途誰為解冰霜。偕履棲遑。惠風曾幾如瞬，繁花隕路旁。
世情滾滾宛滄浪，濯流纓足微茫。與人何說起，俱雲任天涼。

青玉案 於丙申中秋

韶華灼灼嗟中去。鈍毫末，謀梁路。鴻爪相偕天不許。墜身煙海，彼時素衽，
各染京塵雨。
鉞長多識無門苦。新霽開簾一輪處。思若殘星渾失履。江湖初慣，奔波寒暑，
風蝕詩千緒。

註：依蘇軾〈青玉案 和賀方回韻送伯固歸吳中〉之定格。